

君子與小人之差別

前言：

「君子」是孔子心目中理想的人格標準，短短兩萬多字的《論語》，「君子」這個詞就出現了一百多次。然「君子」與常人的差異在哪裡呢？孟子曰：「君子所以異於人者，以其存心也。君子以仁存心，以禮存心。仁者愛人，有禮者敬人。愛人者，人恆愛之；敬人者，人恆敬之。」

一、君子特質

- 1、三戒：孔子曰：「君子有三戒：少之時，血氣未定，戒之在色；及其壯也，血氣方剛，戒之在鬪；及其老也，血氣既衰，戒之在得。」(16.7)
- 2、三愆：孔子說：「侍於君子有三愆：言未及之而言謂之躁，言及之而不言謂之隱，未見顏色而言謂之瞽。」(16.6)
- 3、三畏：17、孔子曰：「君子有三畏：畏天命，畏大人，畏聖人之言。小人不知天命而不畏也，狎大人，侮聖人之言。」(16.8)
- 4、三變：子夏曰：「君子有三變：望之儼然，即之也溫，聽其言也厲。」(19.9)
- 5、三德：「君子道者三，仁者不憂，知者不惑，勇者不懼。」(14.30)
- 6、三樂：孟子曰：「君子有三樂，而王天下不與存焉。父母俱存，兄弟無故，一樂也；仰不愧於天，俯不忤於人，二樂也；得天下英才而教育之，三樂也。君子有三樂，而王天下不與存焉。」(盡心上.20)
- 7、九思：孔子曰：「君子有九思：視思明，聽思聰，色思溫，貌思恭，言思忠，事思敬，疑思問，忿思難，見得思義。」(16.10)
- 8、終身之憂：孟子曰：「君子有終身之憂，無一朝之患也。乃若所憂則有之；舜，人也；我，亦人也；舜為法於天下，可傳於後世，我由未免為鄉人也，是則可憂也。憂之如何？如舜而已矣。」(離婁下.56)

二、君子與小人

- 1、子謂子夏曰：「汝為君子儒！無為小人儒！」(6.11)
- 2、子曰：「君子求諸己；小人求諸人。」(15.20)
- 3、子曰：「君子坦蕩蕩，小人長戚戚。」(7.36)
- 4、子曰：「君子懷德，小人懷土；君子懷刑，小人懷惠。」(4.11)
- 5、子曰：「君子喻於義，小人喻於利。」(4.16)
- 6、子曰：「君子成人之美，不成人之惡；小人反是。」(12.16)
- 7、子曰：「君子和而不同；小人同而不和。」(13.23)
- 8、子曰：「君子周而不比，小人比而不周。」(2.14)
- 9、子曰：「君子固窮；小人窮斯濫矣。」(15.1)
- 10、子曰：「君子泰而不驕；小人驕而不泰。」(13.26)
- 11、子曰：「君子上達；小人下達。」(14.24)
- 12、子曰：「君子不可小知，而可大受也；小人不可大受，而可小知也。」(15.33)
- 13、子曰：「君子易事而難說也：說之不以道，不說也；及其使人也，器之。小人難事而易說也：說之雖不以道，說也；及其使人也，求備焉。」(13.25)
- 14、子貢曰：「君子之過也，如日月之食焉：過也，人皆見之；更也，人皆仰之。」(19.21)
子夏曰：「小人之過也必文。」(19.8)
- 15、子曰：「君子而不仁者有矣夫？未有小人而仁者也！」(14.7)